

LA GRAND'
PRONOSTICATION
NOUVELLE POUR
l'An Mil cinq cens soixante,
avecques les figures ce-
lestes des quatre
temps.

1560
Calculee par maistre Michel Nostredamus Docteur en Medicine,
de Salon de Provence.



A LYON,
Par Jean Brotot, & Antoine Volanc.
Auec Priuilege.

Dixi. Ioh. Ioh. Bogus. Done. gratias collatis. m. m. p.
d. m. m. n. m. o. d. i. 3. f. m. 1560. D. M. R.

A MONSEIGNEVR MONSEL
gneur de Sauigni Lieutenant general pour le Roy au
pays de Lyonnois en l'absence de Monseigneur le Ma-
reschal S. André: M. Nostradamus son tres humble &
obeissant seruiteur, desire Salut, & Felicite.



MONSEIGNEVR, la diuine prouidence de l'eternel ve-
de Lumiere, conduisant, & illustrant tout superieur, & cele-
ste luminaire, pour la generation, vie, & conseruation de tous
animaux inferieurs: mesmeinent de la nature humaine, proue-
nante des causes elementaires, & des semences alterees: aors
donné les principes par luy reseruez au Ciel, & en la terre.

Et en second lieu, a constitué les celestes images pour les influences vitales. Ce
que bien a escript l'Arabe, disant. Sol, & Luna post Deum omnium viuentium
uita sunt. Dond' toute la nature mondaine a recogneu en uniuersel consentement
un seul Dieu, premier mouuant de toutes causes, & souverain de toutes choses:
auquel est deu toute louange, honneur, & gloire es siecles des siecles, Parquoy à
l'exemple d'iceluy seules haultz Cieulx, les terrestres hommes en chascun climat
les plus parfaictz se sont constituez un Prince, & Roy: auquel ilz ont deferé sin-
gulier honneur, reuerence, & obeissance: lequel Roy quand il eschet entre les mor-
telz estre tresgrand, & tresbon, puissant, & clemēt, uertueux, & hursain: alors
tous confessent unanimement un tel Prince, Roy, Empereur, Monarque, ou souve-
rain dominateur estre enuoyé de Dieu du Ciel en Terre, pour avoir preminence
sur tous autres de sa basse & infime region terrestre: qui uoluntairement en luy
transmet la tutelle & puissance de son peuple: Car, selon la sentence du noble Hi-
storien, qui au temps du debonnaire Vespasien florisoit, Nulle chose en ce monde
peult estre plus desirable, que d'auoir Prince defenseur puissant, & extreteneur
de l'ustice debonnaire. Parquoy non sans louange digne de memoire immortelle,
les uertueux Princes antiques ont esté surnommez heroiques, c'est a dire demy-
Dieux. Semblablemēt les incomparables Rommains apres les haultz, & magnan-
imes faictz des protecteurs, & defenseurs de leur République, ilz les deffoient:
& par diuers honneurs les colloquoient es celestes sieges, pour le merrite de n'a-
voir jamais esté las de donner secours au peuple. En cas pareil, ilz mettoient au
rang des Conseruateurs publiques les sages, & sauvantz hommes: qui par la cele-
ste doctrine, & par la cognoissance des corps lamineux, de leurs Spheres, &
mouuementz donnoient aduertissement de prouidence, & garde, par presages de
famine, de guerre, de pestilence, de fertilité, de sterilité, de santé, de uic, de mort, et
tellez uniuerselz accidentz, & mutations: Lesquelles estantz aduenues, on leur de-

cretoit honneurs plus que humains & immortelz. Berose Caldeen, tresantique
scripteur pour auoir presagé l'Eclipse du Soleil, long temps auant qu'elle fust ca-
gneue. Ne merita il pas, qu'on luy erigeast une statue de bronze, avec la langue da-
ree? Le premier Philosophe Pithagoras, ayant ueu l'eau d'un puys, qui tousiours
auoit este claire, en un instant se troubler, ne predict il pas le tremblement de ter-
re, qui incontinent surumit? Dont il acquist renommee, & gloire, & reputation
de diuinité. Mille autres telz pourrois ie alleguer, si le present œuvre trop petit
le souffroit. Lesquelz tant grandz personnages nonobstant ont este calomniez
par les malings, & enuieux, & ignorantz: Contre lesquelz toutesfois ont este
soustenuz, defenduz, & honnorez par les uertueux Princes, & tresgrandz per-
sonnages defenseurs de leur doctrine, foy, probite, & eruditio: qui les ont sauvez
des ueneneux traictz de calomnie, soubz leur eniuente authorité, comme soubz
l'escu sept fois double du fort Ajax. ie donc prenant exemple d'iceulx, qui en la do-
ctrine celeste m'ont precedé, uous ay uoulu choisir, s'il uous plaist, (illustre Seiz-
gneur, & Reuerend Prelat,) comme l'uni que Phœnix en la prouince Lyonnaise,
pour m'estre bouclier, & defenseur contre mes calomniateurs. Car combien peii-
sez uous que sont de personnages aujourdhuy, mis au nombre des doctes, Neant-
moins ignorantz plulement les effectz des images celestes: qui me iugent faire
Predictions par Magie, ou autre art defendue, telle que leur fantaisie estime: plus
tost que par uraye Astrologie: de laquelle scule l'use en bon, & fidele Chrestien,
& non d'autre prohiber, comme Magicien. Et de ce ie proteste uerité devant
Dieu: & en fay iuge sa maiesté. Or donc, Monsieur, Considerant ma propre
fertilité m'estre pernicieuse, comme au noyer: Et uoyant tant d'arcz de detractio:
contre moy bandez, & tant de traictz de plume, ou langue enuenimée cōtre moy,
adressez: Ie uous ay pris sur tous autres, & uostre celsitude pour ma seule des-
fence. Et si ie cognoy que ce nien petit labeur annuel, pronosticque pour ceste
presente annee Mil cinq cens soixante, uous soit aggrefable: ie m'essayeray a l'aue-
rir de uous consacrer œuvre plus digne de uostre grande bonté, & doulceur. Et en oultre si ie puis entendre la dedication ne uous en estre desplaisante, Ce me sera
accroissement de plus grande force pour resister a l'ignorance, ennemy de ma ue-
ritable professio: & me sera un esteuement a plus hault uol, pour abaisser les ailes
de mes ignorantz, & enuieux enemys, & dy, enemys de leur part sans aucune oc-
casion de la mienne, comme celuy qui iariais de dict, de faict, ou de pensee ne leur
fiz desplaisir. Dont ie pris Dicu donner a eulx cognoscance de leur offense. Et a
vous, Monsieur le Gouverneur Lyonnais, heureux accroissement d'honneur,
& de dignité, avec accomplissement de uoz nobles desirs. Vus présentant humi-
ble Salut, & Recommandation. De Salon, ce 4.Iuin. 1559.

De la disposition de la presente annee en general, selon la disposition des Astres. 1560.



A R la dispositiō de la presente annee 1560.
Le treue telles estranges mutations de temps,
d'estatz, & de personnes, que si Dieu qui est
leul moderateur, de ceste immesuree machi-
ne, ie crains fort q̄ celuy repos qui nous sera
donne par Mars non du tout assoupy que ne redonde a
plus grāde & incroyable incommodité des humains : car
les astres nous signifient beaucoup des aduentures adue-
nir, & telles que possible soient aduenues de long temps,
car le commencement de l'annee se portera par extremes
froidures, participant des derniers iours de l'annee prece-
dente, & sera l'Hyuer le Primtemps de plusieurs, qui sera
cause que par lors leurs faictz seront en bransle, les inon-
dations des eaux par frequentes pluyés seront grande-
ment a craindre, redondant aux iours continuant a l'Hy-
uer qui est l'Esté, & seront de grandes & diuerses mala-
dies plus en l'Esté que de toute l'annee, mēmes maladies
pestilentes lesquelles assailliront par plusieurs regions de
l'Europe. De toutes telles factions aduenir ceulx a qui
cecy n'a peu entrer dans leurs cerueaux, par les figures
erigées celestement selon les quatre temps les rendra co-
fuz, s'ilz ne veulent totalemēt denyer la puissance infinie
de Dieu eternel, qui ne les a creez sans grande cause, & de
ce que plus est a craindre est le commun populaire, par
guerres & contentions, qui pululeront & seront en leur
force & vigueur, & le tout procedera plus tost par fem-
mes

mes que par autre moyen: l'annee sera longue, la fin prou
uera le faict, & les actes de ce qu'il en aduiédra: & les plus
grandz tumultes & esmotions par intestines & ciuiles al-
tercations procedera prenant son principal origine d'i-
celles, Il fault bien necessairement que ceste annee icy ad-
uienne quelque grand cas, par ce moyen qui ne se pourra
~~extendre~~ le faict des futures predictions iusques a l'eaage
de 18. ans, ou sera le faict ou failly. Dieu par sa grace y
pouruoye, car estant frapé mars de Saturne par sextil as-
pet demonstre que d'icy a l'an 1566, serot deplacez les plus
grans, non de violence aucune, hormis que par maladies,
le tout procedera par la seule volôté de Dieu qui est seul
moderateur, car les plus honorables fenimes & matro-
nes d'hôneur, de puissance souueraine, & de supresme di-
gnité seront en grandissime facherie, & les plus grandes
feront en leurs extremes dangers par l'administration de
leurs viures, ie ne veulx pas parler plus auant, & cela n'ad-
uiendra pas a vne seule, mais a plusieurs tant vefues qu'au
trement, des plus grandz seigneurs & monarques souue-
rains feront constituez en extreme danger de mort, & le
tout naturellement, qui sera dict: Stat suia cuique dies, bre-
ue & irreparabile tempus omnibus est vitæ. Le fer, feu,
glaiue, faim & pestilence: & fera defaillir beaucoup, non
des petitz tant seulement, mais aussi des plus grandz &
des plus souuerains: & par les moy de la conseruatiō des
fructz & des fleurs la nocturne gelee en domagera beau
coup, mesmes les parties plus intimes & plus baisses de la
terre. Icelle gellee sera grandement suspecte & de crain-
dre: Prions Dieu que par sa bonté immesuree y vueille
pouruoir, & les mouches a miel ne feront guieres leur de

uoir, onq̄s ne furēt tāt de execrables volerīes, meurtres,
qui seront faictz ceste annēe: combien que par le iugement
des plus principaulx de l'Astrologie iudiciaire, qui predi-
sent l'annēe estre du tout seiche & par consequent inferti-
le, & de toute sterilité, & seront des flux de ventre plus
que autres maladies, les personnes ieunes par l'estē & l'au-
tomne seront en extrēme periclitation, & les femmes en-
ceintes porteront a bon port de sauvement leur person-
nes & leurs fructz, combien que d'aucunes par lieux di-
uers seront en danger sans mourir, toutesfois iamais ne
fut telle annēe ou tant de nouuelles soient esté rapportees
que seront dans ceste cy. Es lieux de 48. degredz seront
grandes pluyes & grands deluges, exhorbitantes inonda-
tions, & seront par la religion d'esmotions telles & si ex-
horbitantes, que ne comprenant les principales plumēs
qu'on ostera & arrachera des aessel des plus grands, qui
sera cause de plus grand tumulte & de nouvelle sedition,
qui ne se appaisera sans la main militaire, Dieu pouruoye
en tout. Le duelle sera de craindre par accident non ia-
mais tel aduenu selon que Mercure, Tufmegiste & Zo-
roaster descriuent ceste annēe n'estre par famine vexee,
estant assoupy Mars par ce qu'il est frapé sextilement de
Saturne radiation debonnaire, sinon ceste sterilité qui ap-
pert estre, & par consequent la famine ne prouient par la
puissance de Dieu eternel, qui est matière supercelestie:
car noz cōtinuelles offenses & delictz trespassant le com-
mandement de Dieu en est cause principale, & a luy seul
l'esperance nous en deliurera, tous legumes seront en grā-
de abondance, ce que aduiendra par gelees courantes, se-
ra au milieu de deux moys principaulx vernalux, Les ieu-
nes seront en danger d'auoir euité le flux de sang de tou-
tes

tes venes par Mars endormy que par sieures continues,
dissinterie, flux de sang par le nez, & autres vermines ac-
compagnees de gales & granteles, ioinct les discordes, al-
tercations, enuies, debatz des plus grans & des plus sou-
uerains dominateurs, & larcins innumerables qui seront
exercez, & cōmis nocturnes pilles, temples polluz, pro-
phanez, & expoliez, non par martiale factio, mais par per-
sonnes desesperées, & vuydees de toute esperance, & y se-
ront entremeslees dix personnes que quant on les verra
sera plus esmerteiller les voyantz que les perdans, &
dens ceste annēe seront perpetrez de cas telz & tant in-
croyables que la plus part du monde sera comme du tout
esblouy, mesmes a ceulx a qui proche cela aduiendra, ie
ne m'arreste pas ici a grandes allegations pour prouuer
mon dire pource que ie scay plusieurs murmurur alencon-
tre a cause que sont plusieurs de ma profession qui ne ré-
plissent leurs papiers que de mesdire cōtre Nostradamus
& de ie ne scay quoy de resueries, cōme celuy qui a esté
faict a Geneue, qui ne parle que de malediction & sans y
auoir inseré ne cathalogue de saintz, ne rié nefestes mo-
biles or mis les foyres, vrayement il deuoit biē pater son
Almanach de telles histoires pour ne inserer que des foi-
res combiē, que ie ne doutte point que astrologiquemēt
il eusse inseré plus amplement. Doncques il vous suffira
de veoir les figures celestes erigées, iouxte ce que aduien-
dra par la plus grād partie de l'Europe, si iamais il aduint
que par torrent & par cas fortuit soit esté descouvert cas
admirable vrayement il le sera par ceste annēe, & non pas
a vne part, mais en plusieurs, & ce que tant d'annees a esté
souhaité, & occulté secretement au ventre de la terre, &
par fleuves perpetuelz de leurs cours caché soubz eaux

sera par ce circuit manifesté, & les plus souverains & admirables faitz de la antique concution & structure sera offerte aux Roys princes & souverains monarques ceste annee icy ne sera gueres felice p les supremes dñateurs deuers les regions Italiques, pource que plusieurs des plus principaulx defailliront. l'hyuer premieremēt ne fail lira de venir par sa naturelle saison: mais il sera fort long exorbitant de toutes matieres celestes causant diuerses impressions & sera vne calamiteuse affliction par les plus principaulx iugeantz: & par la religion seront commis & exercez plusieurs cas indignes, onq telz cōmis ne ouys. sera retourné l'estat de l'eglise comme au parauant, & dās iceluy printemps sera faicte vne nouuelle expedition a lencontre des repugnantz a ladicte religion. Les citez & pays abdiques de celle seront temptees, sera enuirōnee la cité de la nouuelle Babilonne, Dieu par sa grace y pour uoye, i'eusse remply toute ceste fueille des aduétures que les astres menassēt venir a plusieurs & diuers climatz par diuerses factions, mais ie les lairray & pour ne me offenser ensemble plusieurs des plus grandz que la subite per mutation de la fortune fragile qui est la seule volonté de Dieu aux plus puissans de la terre le defend, Dieu est sur tout.

Du Primtemps de la presente annee 1560.

Le Primtemps cōmencera le 10,iour de Mars le Soleil entrāt au premier poinct d'Aries a nūt degré & 10.minutes, la Lune a 6.degrez 38.mi.de Virgo, qui sera de son cōmencement froid, grandemēt venteux & presq̄s faisissant toute l'ānee participāt de vēts Septētriōnaux, mixte d'autres vēts Austraulx avec neiges, glaces, & pluye, les fleuves sortiront de leurs bornes, & commencera soy modērer vers le milieu, Les exalations venteuses seront cōuer ties

ties & dissolues en humiditez de neiges & playes frequētes, Seront contraints les plus pacifiques, de qui leurs saines armes serōt retournees passer les mers, ensemble des Martiaux accōpagnez, & sera Neptune sus sa maritime domination, accompagné de ceux que le Soleil & Jupiter tiendra en supreme domination, passant les terres & mers & regardera on de merueilleuse admiration celuy qui par ses forces & magnanimité de cœur, Pacatum viribus orbem. Vray est que deuers le commencement se dresserōt secretement plusieurs tumultes & seditions populaires, & la plus part pour cause de subitz & repentins changemens & encor plus pour le fait de la religion, & a plusieurs d'icelus seront tollues leurs principales defenses, qui bien tost apres le tout leur sera rendu, plusieurs & diuerses citez de petite monarchie, & supresme souueraineté, & potentatz seront en partie deliurees de seruitude de vice, de vaines & friuoles superstitions, & sur tout de tyrannice, de ceste annee ne se trouuera demandant preme pro tyrannica. La sainte Eglise catholique non obstat plusieurs seditions, murmuremens, & discordes, ce non obstant elle demeurera en son entier comme au parauāt, & en sa perpetuelle intégrité, sans soy desuoyer ne ca ne la: Et par ledict faict de la Religion seront de grans cas entre les plus principaux monarques. Quelque secret poinct arresté, qui sera Radicitus. La mort d'aucuns des plus grans inopineement aduenue rendra vne infinité de peuple confus. La constitution du temps sera a son commencement de soy moderee: mais les maladies comme epydimiques saisiront vn nombre infiny: mais Dieu iuste aura conseillé fainement à l'humain lignage, ne restera que vn poinct à vn des principaux de la hierarchie, mais le mal & douleur constale luy, donra tel empeschement, & tel, que lon ne pour-

ra exploiter la dixième partie de ce qui sera entrepris, Se ront envoées secrètement des personnes, qui ennoirciront le clair, & obnubileront la clarté du Soleil, mais ce ne sera pas en publiq, lon entendra d vn poinct, & ce sera d vn autre, & le fait sera bien tost cognu , la nouvelle election precedera les arriuez tard, & a bonne heure, & sera promptement renuerse le tableau du cheual veautrant au courant de l'ecource Demostenique, l'Y dra a sept testes repulule ra, a la parfin suruiendra vn Hercules de Lybie, qui les cō fondra des lieux chamestres prēdra son origine vn mō stre de merueilleuse exiguité, mais d'vne supreme eloquē ce, lequel apparoistra premièrement comme vn rat , puis tout avn coup deuiēdra lyon, & pire que loup rauissant, puis seront plusieurs accordans au fait de la Hierarchie, qui seront de diuerses opinions , puis entre les deux murs des citez secrètement feront diuisiō, & partage de ce qu'ilz auront cōmis, qui par vn blanc dessoubz , & noir dessus seront cognuez & aperceuz de leurs deceptions & tromperies , onques que lon sache par vie de leage de trois hommes nefurent telles simultes , par mortz & par supremes hereditez serōt faitz telz changementz, les vies impudiques, non prostituees consentent quelque peu a ce que le tresancié tiltre ne se perdra iamais , mais plusost se augmentera, & tellement que les defences ne seront de rien changees, à vnchascun martial sera recompensé , & sera restituée l'Eglise en sa parfaicte sainteté & intégrité, & ceux a qui selon leur foy, leur la garde. La chaleur naturelle séparee a la sustance corporee sans ame , l'administration des rameaux & fructz de l'ame raisonnable leur sera desniee, l'expoliation du remanāt, que les saintes ne aurōt pris ceux qui auront trouué les moyens de pourchasser la mort pour auoir, & que in foro publico sera

mis

mis sub hasta, ne retournerōt iamais en leur premier estat,
 & ceux qui auront fleury vernalement vendeurs des ieus-
 nes orphelins le prin temps , l'hyuer seront en perpetuel-
 le abiection & refus, & sera leur fortune changee de cinq
 en cinq ans , par la mort inopinee des plus grandz sera
 faict leur change de vif au mort, & saisira le mort les vifz,
 mais non pas par long temps, pource que sera de retour
 Mars en Carefme. & priera le plus grand , que plus ne
 puisse estre en souuenance de luy, que la necessite ne soit
 vrgente. De toutes telles factions par moyen de la mort



d'aucuns nombrés entre les plus grandz inopinée, par la figure precedēte le pourra cognoistre qui que ce soit, qui est telle selon l'entrée du premier iour du printemps, qui sera traictable de plusieurs & grandz differentz. Non dolendum de re amissa, le tronc, & le rameau principal de L'E R G O, sera cause de maulx vne infinité, & innuime rable, & tant par cestuy printemps, que par tout le dis cours de l'annee, ce que ne aduint iamais. La perte sera tellement irreparable, que ne se saura estimer. L'eclipse, qui a esté precedent avecques cestuy icy, qui est tout contigu, de l'autre du printēps, demonstre manifestement les estrā ges aduentures de la presente annee, que cōbien que cest eclipse soit exigu, & non guieres apparent, qui sera le dou ziesme de Mars, non guieres esloigné de cauda draconis de deux poinctz, & quelques minutes, in Libra, qui plus apparoistra au pays de la Germanie. que ailleurs, hormis que deuers le Poytou, & Zainctonge, Zainctes, pres de Bourdeaux, là, & aux regions circonuoisines, aussi pour ce qu'il est Equinoctial, pour la cōference de Dieu aux hu mains. Là se feront des seditions & emotiōns populaires. & les effectz dudit eclipse se estendront deuers icelles re gions, tant pour moyen de la religion, que par autres fa ctions, & les effectz ne commenceront pas d'apparoi stre, ne de pululer, qu'il ne soit le quatriesme iour du moy de Mars 1561. dieu par sa grace y vueille remedier.

DE LAESTE. 1560.

Lætitē ceste annee commencera selon la figure sequen te le vnxiesme iour de Iuin, a six heures & trois minutes apres midy, par autres diuers climatz autrement le Soleil entrant a 41. minu. de Cancer, qui de son commencement sera pluuiieux, participant de l'humidité des pluyes prece dentes, mais non obstant toutes telles humiditez il tendra


a vne

avne bonne moderation, & clemence de temps , tendant
puis vers le milieu a vne grande ardeur & inflammation,
& du reste le temps, le peuple sera pacifique , & dans ce
moys ne seront pas grandes nouueautez,hormis sept biē
noimbrees.L'vne dune extension Saturnale, les autres ad-
uiendront par la fureur & rage impatiēte de aucunes ma-
ladies defeu, & de flux de sang vuydē tout a vn coup , &
par la mort de ceux des principales factions , encores se
trouuera le commun populaire en grād trouble, les Mer-
curialistes & Iouialistes qui sont gens d'eglise & de court
souueraines & autres seront en leur plus haut degré d'hō-
neur & de puissance.Ilz seront autant de temps domina-
teurs de Mars,comme Mars a esté dominateur sur eux,
combien que par la constitution du temps cest Este appa-
roisse estre chault,& d'inflammation tresardent, que sera
cause de engendrer apres plusieurs noyses,debatz & pro-
ces,qui sera faisant esinouuoir plusieurs feures ardentes,
continues,flegmes,charbons,feures quotidiennes , tier-
ces,qui se termineront a peu de iours.plusieurs insanies,
melancoliques,delirations,flux de sang, maladies epilen-
tiques,melancolies,& pource que la fin du printemps ne
fera pas par aucun signes pestilentz les susdictz effectz,
le commencement de l'esté lors paracheuera, & seront de
fort grandz vomissementz, principe de feures quartes,
flux de ventre, mal des yeulx,& des aureilles, avecq gran-
des exulcerations de bouche par tout dedans la gorge,
avecques grandes corruptions aux parties hōteuses, mes-
mes aux membres de generation, & sueurs continuelles,
& y aura plusieurs des iours qui ne seront pas d'esté.mais
de grande froidure de peu de duree. La constitution du
temps sera variable,& des personnes plus par vacations
des morts,que par l'inclemēce de l'air.aux Royales cours

ne se pourra on asseurer dans cest esté par accident & sinistre euement sera faict le commencemēt du changemēt qui sera paracheué 1568. & de trois. de ce qui est. Dieu est sur tout qui remediera au tout: apres le septiesme an passé suruiendra vne plus grande paix & plus grande cōcorde. Seront assemblez ceulx qui toute leur vie auront refusé soy trouuer ensemble , par maladies inopinees. deffaillira vn des plus grandz, ie ne dy pas du regne; que plusieurs ne se trouuassent scandalizez de ce quil seroit bien requis metre par escript par la fin de l'Esté, qui sera le moys de Aoust, sera bien faict, & dict quelque grand cas d'admiratiōn, & par diuers euementz, ou par la constitution du temps, telle qu'elle apparut de long temps, par ignorāce des plus sauans , entre leurs mains mourront des plus grandz & magnanimes que pour la cruautē du mal sera imputé a maladie pestilente, & le mal en sera cause , pour autant que Venus oriental meridional descendant dedas la seconde, qui est Gemini viendra , & tous ses euemens prouenir tout premieremēt par l'yre de Dieu omnipo tēt, & pour la premiere cause nul qui soit n'en fait doute, Secōdemēt par la cōfiguration des estoilles, parler de la puissance de Dieu immēle, Sileat mēs humana, de cœlesti bus autem vix paucaloqui potest. Quand ie voy la cōstitution des eclipses passez, presens, & aduenir , ensemble icelle configuratiō des estoilles crinites, ou cheuelues pre sagent par ce temps d'esté prouenir telz & si calamiteux euementz aux plus grandz, & particulierement aduenir, que non tant seulement ie ne ose le passer a par moy par la bouche, ne moins le mettre par escript , mais ne le penser: Sed ô dij talem terris auertite pestem, & vos supéri seruate Reges. Car par aucunes cōionctions: & dyamē trales ligneations d'aucuns, & mesmement des principaux

luminaires, que ie suis comme esblouy, & du tout effrayé
que Dieu vueille que icelle conionction moyenne passée
de Saturne a Mars , de l'vn que soit aduenement de quel-
que alliance indissoluble. Car les effectz de l'année passée,
qui a enuoyé ses malings effectz durant le printemps pas-
sé, de la presente annee 1560. que non comprenant plu-
sieurs & diuerses maladies de grande acuité, & sieures pe-
stilentes, maladies epidimiques inuadant plusieurs & di-
uerses regions & climatz de l'Europe. ne comprenant au-
cunes mortz repentines, par diuersité de fureur & rage,
& par fumeuse maladie, & cecy prouenant par l'air pesti-
lent & contaminé, & par la furie du mesme temps, proue-
nir tristesses, angoisses, consternations, iugeans iuges,
commandans estre commandé, bas esleuez, plusieurs re-
mis de leurs sieges, & plusieurs non bien entendant la vo-
lonté de Dieu feront mille execratiōs a l'aduerse fortune.
Fortuna omnipotēs quā variabilis, terrores & incendia
veniēt crèbra, præterea ciuum exilia, fugas: luctus ærum-
næ acerbitatē, frugum sterilitatē, omniumque fere fru-
ctuum inopiam, accompagné avecques mille autres de-
predations, prouenant vne partie par moyen des sectes.
& de la diuersité de la Religion: mais si ie ne erre en mes
supputations, le changement sera si exorbitant, & li repē-
tin, que lon demandera a plusieurs ce que au parauant ilz
presseront les monarques de demander, requerāt les biēs
des orphelins, le leur sera demandé, & leur sera fait de tel
pain soupe. Je ne oserois mettre la cētiesme partie des eue-
nementz, que ie voy aduenir. le chief des fondations de la
demylayne s'approcheront d'icelle avecq tres felice adue-
nement. O la felice conionction, qui s'appreste : mais elle
sera bien meslee de pleurs, angoisses, gemissementz, plain-
ctes, & d'vn irreparable regret, quoy qu'il soit cela m'est
pour

pour la tenebrosité présente du temps cachee, Dieu seul
 le scet. Les effectz en feront la fin. Ce ieudy cinquiesme de
 May de la presente année mil cinqcens cinquāteneuf, qui
 est vne conionction de Saturne a Mercure, qui de l'heure
 présente: qui est deux heures apres minuit: est suruenue
 vne subite tenebrosité, qui me faict desister de mettre eas,
 qui pourroit possible estre vn scandale tel, que iamais ad-
 uint en France, & ne passeray plus oultre: mais pour de-
 uenir mieulx a la preuue de mon faict par la figure celeste
 que s'ensuit, qui est de l'Esté de l'année présente le demon
 strent



monstrent plus amplemēt, combien que celle de l'annee mil cinq cens cinquante neuf, que de present les escripts les apparences sont beaucoup plus manifestes, comme facilement vn chascum pourra entendre. Dieu par sa grace y pouruoye, mēsmes aux plus souuerains, pour eux principalement & secondelement pour le soustenement de la Chrestienté.


De l'Automne M. D. L X.

L'Automne commencera ceste annee M. D. L X., le xij. Septembre, prenant les heures a midy xix, minu . 46. par moindre hauteur, le 13. Septembre vn Jeudi, le Soleil faisant son entree au premier poinct de Libra, la Lune a six degrez, dixsept minutes de Cancer, qui sera a son commencement troid & sec, ayant plus de seicheresse que de humiditē, combien que par les frequentes pluyes qui seront participant de mediocre temperature, mais grādement a craindre, pour cause des maladies, qui regneront, plusieurs de celles de l'Esté precedant, & par la pestilence, que non tant seulement aura occupé les personnes, mais le groz trouppeau, lequel par la violence de ardeur, & par la malignité du temps en mourra beaucoup, & sur tout sera de craindre aduenir par venefices & autres prestiges, & autres cas inouys, ce que n'auint iamais a vie d'homme, avecques grande perte & deperditio de grandz euenementz, qui paruiendront plutost pour cause de certaine inercie & negligence des plus grandz, & la ou l'entree de cest Automne apert de venir, & faire apparoistre ses effectz sera deuers les parties orientales que non point aux occidentales, car celles regiōs de xlv, xlvj, xlviij, xlviij, xlix, & cinquante de hauteur par la significa-

tion des astres demeurera par toute ceste annee saine & pacifique par guerres & fortes maladie's , mais les effectz de la religion les tumultes seront bien telz & si exorbitas qu'ilz furent il ya long tēps, denotant les effectz que sont comprins dans la xij. maison, qui est captiuité, prises, detentions, exilementz, bannissementz, proscriptions grandes, & calamiteuses. Les plus opulens par moyen de leur auoir seront guerroyez, & tellement persecutez iusques à la mort. Durant cest Automne mourront plusieurs & diuers personnages de tous estatz, d'honneur & de dignité, & que combien que la malignité de cest Autōne feisse fort longue extension, si est ce que tant seulement les pays climatz & regions du premier quadrangle , comme plus amplement descript Ptolomee, & les regions aussi subiectes au signe de Aquarius, ou verseur, & gemini, se resentiront d'aucuns malins effectz. Le commencement sera pluuiieux , & grandement estaux , & fort maladif, principalement regnerōt maladies de teste, distillations, reuimes, catharres, toux, a grande abondance, fieures tierces, quotidiennes, erratiques, que puis apres en quartes se couertiront, opilations de rateles, jaunisses, pluresies hidropisies, distillations d'vrines, lyenteries, dissinteries, squinzances, & difficultez d'aleine, & de forte respiration, melancholies, hiliaques passions, bref cest Automne est fort de craindre, ne comprenant les proscriptions, que par les eclipses precedētes , & par celles de l'annee presente les astres nous menassent, quant aux autres euenementz qui suruiendront, hors mis maladies par les contrees bisantines aux monarques orientaux, sera secretemēt tenue vne pernicieuse deliberation, que ne sortira que a son plein effect

effect, redondant aux detrimenz des peres Sardacz, vel patres Sardaici, Ligustiques, & encor plus par les Pannois, & hæc sera la desloyauie. Les mortz inopinees qui paruiendront durant ces trois moys feront bien a penser. O quelle exclamation sera faicte les nouvelles ouyes le purillé sera recompensé de ses dignes & indignes merites. Sed dumtaxat in Mesopotamia. Le grain frumental qui plus facilement vient a Malte, que ailleurs sera en tel le deliberation de soy getter violentement les mains a lē, contre de soy. Liuia Augusta du deffaillimēt de Drusus Nero, serōt trouuez en la Germanie les oz. La vengeāce de Tybere se renouuellera, mais nul ne se trouuera fecōd selon sa pitie. Deux grandz cas facheront le troisieme, & le septiesme par election, mais le tout sera appaisé par celle qui estoit delaissee, & que on donnoit la beuuande du vin de l'extinction des elections, & puis la fraudulen ce sera apperceue, & deschassée, & l'innocence & integrité restituée, & puis misé au plus haut throsne. Le milieu de cest Automne sera humide, pluuiieux & venteux, avec abondance de pluyes, & ventz generatifz de maladies lō gues splenetiques, qui deuers la fin de ce temps deffailleront. La fin de l'Automne sera merueilleusement froide, & seiche, participant des ventz Septentrionaux, d'yne extreme froideur & siccitē, accompagné de plusieurs ventz neiges, brouillats, gelees grādes, & autres froides impres sions, telles que l'hyuer mesmes ne sera constitué en telle malice de temps, redōdant que deuers la fin de l'Esté passé, & dans le commencement de l'Automne seront faictz des éclistres tonnerres, gresle: & toutes autres impres sions metheoriques, engendrees en la basse regiō de l'air,

qui presageront l'Automne suivant mesme la fin estre de
merueilleuse froideur & secheresse par les eaux conuer-
ties en neiges, & en autres malices de tēps, & fera la fou-
dre des plus horribles cas que iamais fut apperceu en vie
d'homme, tel espouuentement fera, La pleuresie, les distil-
lations, & reumes ferōt defaillir des principaux par mort
vaquante, & par leurs puenir de telz sinistres euenemēs,
qui onques de telz ne furent veuz, ne ouys, Autres plu-
sieurs euenements que ie laisse de mettre, & pour cause q
meilleur est la taciturne silence que mal dire, cōe on peut
voir par la figure sequēte, prions Dieu qu'il nous garde,




De l'Hyuer M. D. L X.

L'hyuer ceste annee Mil cinq cens soixante commençera vn Jeudy, le Soleil entrant au premier degré de Capricorne, la Lune à vingt six degrés, xxxvj. minutes de Libra, qui sera par son commencement froid & sec, d'une extrême froideur & secheresse, par le continual soufflement des vents septentrionaux, avec neiges, pluyes, glaces brouillatz & fréquentes mutations de temps. La constitutiō sera tresdure & fort acerbe, generatiue d'une infinité de maladie pleuretique & costale, avec crachement de sang, & fieures tresardantes & continues, de reumes une infinité, & de catharres suffocatifz, que durant cest Hyuer defailliront plusieurs, qui par l'estē & l'automne aurōt estē malades, & icy deffailliront la plus part de iaulnisses, hydrospisies, splenetiques, & autres mauuaises habitudes par les langueurs croniques, Dieu par sa grace conserue les vieux, qui avec difficulté de respiration defluxions avec toux violente, distillations d'vrines avec le sdifficuliez d'icelles, douleur des ioinctures, & q plusieurs mourront, & des plus apparentz, & plus grandz, les vns subitemment, les autres par longue langueur deffailliront, Et quant aux autres factions par les plus grandz, & autres, qui se ferōt soubz vmbre de amitie, & autre benevolence, ce feront des apprestz, qui a la parfin seront dommageables, & grandemēt pernicieux, mais des plus grandz, mais des moyens, & des infimes, & du commun populaire, combien que soubz celle couleur de faincte religion, amitie, & concorde, plusieurs se trouueront frustréz de plus de la moytie de leurs volontez, & encores demonstrant certaine mutation d'estat, d'hōneur, de char

ges & de dignitez, par le principal fait de la religion, qui
ne seront de fort graues, horredes & calamiteux aduene-
mentz, si seront, præsertim exidia vrbium ratione religio-
nis: car ie les voy suspendentz. O pleust a Dieu que apres
toutes telles calamitez, que quelque fin soit donnee a sain-
te mere eglise, & a la sainte religion Chrestienne, O vti-
nam tandem post diuturnas disceptationes, ac lōgas per-
turbationes concordia in sancta matre ecclesia fiat: mais
a ce que ie voy il faut que auecques le bon Froment l'Or-
ge & la Zizanie soient meslez, pour donner vne perpe-
tuelle perturbation a la religiō Chrestiēne. Il a touſours
esté que la sainte mere eglise a esté exposée grauibus pro-
cellis, & sera iusques a ce que ce vray iuge viendra, & iu-
ste, qui par lors separera ce meschant Orge & Zizanie du
noble froment totalement extirpāt, iusques a ce qu'il soit
fait vnus Pastor, & vnum ouile, car durant cest hyuer se-
ront donnez de conseilz que les vns trouueront perni-
cieux & dommageables, comme qu'il soit, que icy ne faut
declarer ne manifester la forme d'iceulx, vn chascun se-
ra content, hors mis que la plus part des armes a ceulx
que iadis auoient toute puissance leurs non pas du tout
ouſtees, mais il ne s'en faudra guieres. Mercure guberna-
teur d'vn des eclipses en la neuſieme caché, & combust
ſoubz les rayons du Soleil, & frappé de Saturne, menaſ-
ſe quelque grand monarque en la hierarchie demonstrāt
aussi quelque incroyable calamitié, foy & confederation,
paix, amour, vunion, & concorde, & pernicieuse guerre.
Je ne dy pas, ie pourrois dire ſincèrement la verité, mais
il faut mettre icy la clausule: car les prez ont asſes beu, &
puis apres telle diruption de paix, qui encores ne appet
redon

redondera au grand detrimēt de tous. Les maladies plus grandes & pestilentes deffailliront: car le commencemēt de l'Hyuer, c'est a dire depuis le premier iour de Ianuier iusques au xiiij. de Mars, le temps sera pluuieux. le milieu sera venteux, la fin d'iceluy ne sera exempte de neiges en grande abondance, & vne foys gresle & tonnerre, menas cant les vierges & les femmes de maladies: mais a la parfin la plus part eschapper. Les semés serōt beaux, & de fort bonne apparence, car les plus anciens astrologues predi sent grandissime abondance de vin & d'huilles, mais que

Printemps



printemps aduenir est grandement menassé de tremblement de terre, que Dieu par sa grace nous en vueille defendre, menassant n'estre guieres different de celuy qui fut du temps de Vaspasien, ou de Claudius Cæsars, que treize citez dans vne nuict en Asie en furent subuerties, & profondees du tout, non sans grāde misere & incroyable calamité. Dieu par sa grace nous en vueille defendre que en noz climatz ne nous en puissions recētir de rien,

La sommaire signification des moys de la presente
annee Mil cinq cens soixante.

I A N V I E R.

En ce moys de Ianvier Mil cinq cens soixante sera le premier quart de la Lune precedente le v.iour a neuf he, par eleuation plus haute a viij,heures quarante mi, qui sera pluuiuse & venteuse, avec neige & verglas, muable & inconstante, generatiue de catharres & reumes, avec moderation de temps. Pleine Lune sera le 13.a 8.h.48, mi.de matin, de plus haut a 9.ii.m qui sera mauuaise avec grand vent, neiges & temps diuers, sera cause que a son dettait quelques vns assez apparens defailliront, le tēps sera glacial. Dernier quart sera le pire de tous par effect de maladies & catharres suffocatifz sera le xx,a ij.h,de matin, plus haut a i.heu, sera froid & maling, participant des iours superieurs, & guieres ne sen faudra que la charue ne passe par le cristail. Nouuelle Lune le 27,a 55.mi, de plus hault a j.h, qui sera fort pluuiuse, finissant quelque peu le mauuais temps, & sera cause que sa froide & vêteuse affection causera vne extreme ardeur par sa lune oppo site, sera generatiue de catharres, distillations, & reumes, & q mourrōt dās icelle plusieurs, & d'autres detenus de

mala

maladies longues et iques, hidropiques des plus grandz & plus appi rentz. malade qui donrra peur sans cause qui tost sera guery. grandes neiges, & gelees.

F E V R I E R . 1 5 6 0 .

En Fevrier 1560. sera le premier quart de la Lune precedente le 4. iour a 4. h. conioincte a Saturne qui s'ra cause de quelque fort mauuis temps de roidure de uentz, neiges, brouillas, gelees, & temps muable & inconstant, catharres suffocatifz de estranges mutations. le temps muable inconstant finissant en mal.

La pleine Lune sera le 11. a 7. heures 57. minutes a 27. degredz 4. minutes de Leo, qui sera seiche, quelque peu moderee tendant tousiours a ses naturelles qualitez de uentz, neiges, pluyes temps diuersement froid & nubileux quelques premiers iours attrempez, puis retournant en ses premieres qualitez, & dans cerevolu sera retourne a son pristin estat comme au parauant, & non plus hault le des plus ne separera le regne. en la hierarchie demy trouble. La pleine lune sera le 11. a 7. heures 58. mi. partout endroitz a 27. deg. 41. min. de Leo, qui sera par quel que de ses mauuaises qualitez froides attrempee, mais puis conuertie en froideur & grandz uentz froidz, fortz. Le dernier quart sera le 17. iour a 17. heur. 38. min. a 26. deg. 13. minu. de Scorpio qui sera plus pluuiieux que au parauant & re commencera icy l'hyuer a soy fortifier, & sera le temps muable inconstant generatif de maladies subites & suffocatiues mesmes a uieulx. La nouvelle lune sera le 25. a 16. heur. 52. minu, plus hault a 18. heures 40. min. a 7. degr. 54. mi. de Pisces, qui sera fort pluuiuse, mais commençant de finir a mauuais temps uoirs continuelz neiges, brouillas, & autre malice de temps de gelees, icy mourrot six, desquelz les quatre seront de grande plainte & presque irreparable. seront donc ces cours Royales conseilz bien salubres.

M A R S 1560.

En Mars sera le premier quart de la Lune precedente bien mauuais & plus de craindre le 4. a 21. heure 5. minu. par 13. deg. 44. min. en Gemini qui sera de clemence attrempee tendant a beau temps faisant abaisser les fleuves perpetuelz, qui par les precedentes lunes s'estoient mis en haulte excroissance uasant grād pays descouurant & courant plusieurs cas inouys comenceant a febriciter & donner signes secretz de quelques arcanes tumultes & reuoltes seditions.

La pleine Lune sera le 11. a 17. heures 18. minu. & plus haut 40. min. 21. deg. 26. minu de Gemini uenteuse & encor plus mauaise car elle sera grandement puluerulente generatiue de feures, & mal de testes. par diuerses & execrables malicieuz a la gorge & rien plus si iamais furent tumultes ni seditions par la Religion ce sera par ce moy & le sequent. Dieu l'appaise par sa grace. Le dernier quart sera le 18. a 11. heu. 8. min. moins 2. deg. 22. min. de Capricornus froid & sec

de my pluieux, faisant grande augmentation au magistrat puissance souueraine
et execusion.le temps sera encores pluieux & seront neiges brouillas signifiant
l'hiver estre long, & difficile a passer. Nouuelle Lune sera le 26.a 12.h.30.mi.
plus haut 11.44 mi.en Aries qui sera chaude humide attrempee, mais subiteme
nt variable par tous endroictz obseruant toufiours par mauuais & bon temps, ie ne
puis mettre icy ce que ie uouidrois qui aduient deuers la fin de ce moys, & pour
cause.

A V R I L 1560.

En Auril le premier quart le 3.a 10 heu.en Cancer , qui sera un peu pluieux,
tendant a bon temps,m iis plain de tumultes,esmotions & seditions grādes pour
les precedās.Dieu uueille que sus les pulpites ne soient commis ne perpetrez aus
cuns forfaictz, ne prononce rien qui soit sinistre . Les signes pestilentz dans ce
moys apparoistront,fieures chaudes,grans maux de teste,alienations,frenesies,
melencolies & autres diuers accidents. Pleine lune le 10.a 1 h.21 mi.plus haut
38 mi.sortant de Libra peu froide & seiche,tendant a mauuais temps, avec grans
dissime danger de gelee deuers le milieu du moys , Dieu par sa grace y pouruoye
que le danger sera bien grand. Dernier quart que pleust a Dieu qu'il ne me fa
ust pas inférer icy par escrit les grandz maux qui se commettront durant iceluy
que sera le 17.a 20 mi.en Aquarius,finissant le mauuais temps,non du tout plein
de gelée nocturne.Nouuelle Lune le 25.a 3 heu.18 min.en Taurus qui sera chaude,
humide,& attrempee.

M A Y 1560.

En May sera le premier quart le 2.a 19 h.plus haut d'une h.23 mi.en Leo, qui
sera chaude & seiche non sans notable fraischeur,pleine d'allegresse, de resiouiss
ances & nouuelles factiōs, qui sera muable en temps humide,maladies cōtinues.

Pleine lune le 9.a 9 h.8 mi.en Scorpio , qui sera uentueuse avec pluyes & par
les regions de 48 deg. encor quelques neiges & signe de pestilence apparoistre,
nouuelles factions,tendant a bon temps paisible & moderé cōstitué de douce cle
mence,le clement inclement. Dernier quart le 16.a 15 h.17 mi.en Pisces, qui sera
de rosée amiable,tendant a chaleur & secheresse,fieures continues,nouuelles ses
ditions,marché par conseil qui ne sera pour soy paracheué, mais qu'il sera pour
estre de grands cas si iamais il en fut,ce moys sera double mēslé d'amertume,mais
garde la mort. Nouuelle lune le 24.a 17 h.19 mi.en Gemini,qui sera chaude,hu
mide,& fort attrempee par la moderation du temps:mais au reste que fait appa
roistre plusieurs testes rompues , faisant que la fin du moys estre par pluyes de
bien peu , & icy les promet du moys pericliter d'un brouillas qui se leuera non
sans grandissime prejudice aux fleurs.Dieu est sur tout.

I V I N 1560.

En Iuin le premier quart le premier iour a 2 h.plus d'une h.37 mi.en Virgo,
qui sera

qui sera chaut & sec participant d'unc exigue fraicheur & humidité louable: mais il sera quelque pluye que sera dite au par le uent paisible sans profit que biē peu, & sera tonitruex, generatif de fieures chaudes & pestilentes, innumerables gratelys, locustes abonderont, & autres uermimes, & sonnera & puis rien.

Pleine lune le 7. a 17 h. 33. mi. en sagittaire, qui ne sera sans quelque frescheur, avec son ardente & violente chaleur & siccité, les maladies de ardeur & infāmation regneront par labeur & peine violente par uoyager plus par cela que par autre, les factions non du tout solees, & cecy quelque pullulation. Dernier quart le 15. a 8 h. esloigné de cauda Draconis en Aries, qui sera quelque peu pluvieux, se conuertissant en une grande extreme chaleur & inflammation, pteiz de tonnerres eclistres & inueues & incroyables fulgurations, plusieurs frapz du ciel, grandes fieures continues pestilentes, & phrenesies, inflammations, alienations de sens. In Romæ Roma non erit Romæ. Nouuelle lune le 23. a 5 h. 27 mi. plus hault 37. en Cancer, pluvieuse, de iours par tonnerres, & fulguratiōs. Premier quart le 30. a 5 h. en Libra, qui sera quelque peu fraiz par pluye rare & vent de 24 h. le reste obseruant ses fortes obseruations, le temps amodrant, augmentant les fieures & autres maladies de chaleur & inflammation.

IVILLE T 1560.

En Iuillet sera pleine lune le 7. a 3 h. 27 mi. que sera difficile a passer par quelque grand malice de temps en Capricornus, ic laisse les degrēz pour ce que trop rempliroit la fueille, qui sera quelque peu fraiche & debonaire avec chaleur & inflammation felicitant. Dernier quart le 15. a 3 mi. heures o. en Taurus, chau de humide, mais ayant une chaleur si uehemente qu'il ne sera possible la souffrir la ardeur & inflammation, dedans le reuolu de ce dernier quart seront les iours caniculaires qui entreront le 20. du present mois, la lune en Cancer qui presagēt par les premiers iours pluyes, & par tout le circuit de l'annee famine & secheresse, fieures erratiques, tierces, quotidiennes, continues, frenaisies, principe de quartes. Nouuelle lune le 22. a 15 h. 57 mi. qui sera d'unc plus exorbitante chaleur qui ait point esté de toute l'annee, ne apparoissant que chaleur & secheresse, se quelquun bien grand deffaillira qui sera en temporalité grand monarque, & aussi mourra grand peuple. Premier quart sera le 29. a 10 heures en Scorpio, qui amoindrira quelque peu la chaleur & la uehementce de l'ardeur, mais non de guieres, les maladies de mesme estat, & de nouvelle pululatiō. A O V S T 1560.

Pleine lune sera le 5 iour a 15 h. 25 mi. plus haut 49 mi. en Aquarius, qui sera uē teuse & pluvieuse tendant a petite moderation de temps ne participant nullement de la malignité du quart aspect procedant mouuant quelques nouvelles emotiōs,

¶ de rechief nouveaux changementz. Dernier quart le 13. a 17 h. ne estre gueres bon ne louable, & si de toute l'annee presente ny sequente il y a eu changement de temps, & moy diuers, cestuy cy urayement le sera. le conseil ne sera pas salubre des premiers ans aux premiers ans, à la parfin se cognostra la meure deliberation des anciens passéz saige, prudente & reffusée. On iugera icy le reste estre de retour. La debonnaireté sera cogneue tāt du temps que du reste. Nouelle lune sera le 21. a. 1. heure 19. mi. en Virgo, chaude & seiche debonaire, ayant tousiours grandes chaleurs & instannations iusques à la fin du moȳ les iours bons & heureux. Premier quart sera le 27. a. 10. heur. en Sagittariū qui sera froide & seiche, avec pluyes, gresles, tonnerres, & autres légieres mutations de temps & des autres effectz bien diuers telz que la plus part sera content.

SEPTEMBRE.

En Septembre sera pleine lune le 4. a 5. heures 59. min. plus haut a 6. en Pisces qui sera peu uenteuse & pluvieuse en quelques iours avec gresle, tonnerres, eclairs & autre changement de temps bien mouable, & tel possible quil fut de long temps, que seront tous autres siecles qui n'ont esté par les passéz, tellement que le siecle dor se trouuera de retour tout a un instant, & qui durera longuement. Dernier quart le 12. a 10. heu. mauvais, & Dieu uuelle que la radiation de Saturne a Mars qui est seul a laduenir soit bonne, que à la parfin ne presagerien de bon, sans faire longue extension, que arca rmenta boum, enuoye plus tost significations aux humains ne sera gueres salubre, non de maladies, combien que du tout, mais par autres secrètes & manifestes factions, que Dieu uucille que soit pour bien. Nouelle lune sera le 19. a 13. heur. 53. minu. en libra chaude & seiche, ayant plus de secheresse que de chaleur car elle sera fort remise, quelqui sera prehende in cubiculo alieno: que ne sera sans un tumulte denys assoupy. Les eclesiastiques avec les courtisans & ceulx de Robe longue, comme Presidens, Juges, Conseillers & Adiuocatz & autres ne se accorderont, Il y aura quel que grand different qui ne se pourra accorder sans grandissime discorde par le moȳ passé ici résolu. Premier quart sera le 25. a 2. heur. en Capricornus qui sera plus uieux, qui trompera bien le parter liber qui augmentera son abundance, & sera tendant a pluyes fréquentes brouillas & autres subites mutations de temps. le reste sera debonnaire finissant par pluyes & brouillats.

OCTOBRE.

En Octobre pleine lune le 3. a 22. heu. 55. min. plus haut a 23. en Aries chaude & seiche maladive participant d'une mediocre clémence & moderation bien farcie de nouvelles iusques au milieu du moȳ que plust a Dieu quil m'eust fallu passer

passer oultre sans supputer cestuy cy, que a la parfin le faudra faire: mais ce ne sera sans peurs, plaintes, et grands gemissemens de la prodition qui est icy proche, que Dieu y uueille remedier. Dernier quart le 12. accompagné de tresmaladys aspectz, telz qu'il seroit bon qu'ilz fussent translatez en autre temps: mais Dieu le veut ainsi, sera froid, sec avec, avec brouillas, tempeste de temps Mira fulguris.

Nouuelle lune le 18. a 19 h. 41 mi. en libra, plus a 19.54. qui sera froide et seiche commencement de piquer avec une subite mutatio de temps, finissant en pluyes brouillatz, et la plus part du temps sera modere et attrempe, pleine de nouvelles letez, et mourront plusieurs qui auoient esté malades des fieures longues et la plus part eagez. Premier quart le 25. a 15 h. 29 mi. en Aquarius suivant la teste du dragon, qui sera pluuiex, uenteux, muable, et inconstant finissant le moys a la contrariete du commencement tout opposite de diuers effectz, et quelques uns pourroient trouuer tout le cōtraire, mais tout compté, il sera beaucoup meilleur.

N O V E M B R E 1560.

Pleine lune le 2. iour a 17 h. 31 mi. plus haut a 17.53. en Taurus, qui sera chate de humide finissant en bon temps: mais continuelz brouillas, combien que soit cōstituée en bons aspectz, si est ce qu'elle commencera de piquer par plusieurs endroitz par pluyes frequentes non sans principe de neige et quelque gelee qui subitemment feront un exorbitant changement de temps. Dernier quart le 10. a 14. h. en leo, qui sera chaut et sec participant des qualitez precedentes faisant quasi comme un demy printemps, mais fort mal adif et maladiés fort longues et dange reuses, qui estoit bien sain ne pensant en mal dans ce quart finira. Nouuelle lune le 17. a 5 heures. 49 minutes en Sagittarius, qui sera froide et seiche, que encors n'aura on pas sentu l'hyuter si poignant comme dans ceste lune, et si piquera tripli uia par ses effectz avec pluyes, uents, neiges, tourbillons, temps muable et inconstant. Premier quart sera le 24. a 8 heures, qui sera plus mauuais que de toute l'annee, en pisces, pluuiex, et par diuers endroits tels que les effects en feront foy finissant le moys en un tresmauuais temps muable et incōstant, la defens se des enfans se trouuera estre insalubre, les pluyes frequentes, et fort facheuses, la mutation du temps sera telle et tant muable que on y perdra la son theme, au reste encor plus dāgereux par maladiés hectiques fieure hidropique no eschaper.

D E C E M B R E 1560.

Pleine lune le 2 iour a 12 heures, 27 minutes en Gemini, plus hault 40 mi. qui sera grandement humide et d'exorbitante mutabilité, et par diuers changemens fort estrange, faisant le commencement du moys quelque peu attrempe, participat de ses naturelles qualités et conditions froides humides uents uerglas, gelees, uies

ges, passant R O V E par le cristal, faisant le milieu fort uentueux & glacial, pleine de catharrès, paralyses, apoplexies, mal de cousté, fièvres ardentes, de peu de duree, augmentation d'hommeur & de dignités. Dernier quart le 10. a 2 heures, 7 minutes, froid sec & glacial, commençant la plus grande force de l'hyuer: qui sera difficile a passer avec uents trêchans brouillas, pluyes & neiges, & mourront des plus grands, tant en la hierarchie que a la monarchie, & encor plus a la Desmocratie que a l'aristocratie, temps muable. Nouuelle lune le 16. a 17 heures, 19 minutes, plus hault 39 minutes en Capricornus, qui sera froide & seiche, continuant par pluyes, uents, neiges, uerglas, sans quelque demy iour qu'il fera tonnerre sur l'entree de la nuit, & deuers le matin chose de long temps non ueue presageant de ce qu'aduiendra 1567. Icy mourront des plus apparents que lon espereit beaucoup. Premier quart le 24. a 5 heures, plus hault a 4 heur. 43 minutes en Aries, qui fera que les festes de Noel seront quelque peu moderees d'une exigue clemence de l'air, mais peu durable, retournera a ses naturelles froidures & humitez, par neiges iours nubileux, obscurs, troubles, uents, brouillats, glaces, grandes neiges, que a peine pourra on sortir dehors. Par ne estre trop long ie ne veux mettre les factions & coniurations qui se feront secretement soubz umbre de paix & ioyes, qui ne verront les festes; Nous prierons trestous a ce grand Dieu eternel qu'il nous doint grace de passer la presente annee en paix amour union & concorde avec uie tranquille & a la fin paradis. Amici.

Eclipses 1560.



Eclipse de la Lune le 11. de Mars a 5. heures de matin & 0. mi. & durera vne h. 44. mi. & deux pointz & 2. mi. seront eclipses, peu nous apparoistra les effectz de cest eclipse commenceront le 4. iour de Mars 1561. expireront le 23. d'Aumil de la mefme annee.



Eclipse de Soleil peu apparoissant sera le 21. d'Aoust a vne heure 34. mi. apres mid. & durera 1.h. 46. mi. & seront eclipses six pointz 42. mi. ses effectz se produiront le 30. de Mars, 1561. expireront le 27. de Janvier, 1563.

Double du Priuilege.

VOUS Antoine Dalbon abbé de Sauigni, & de l'Isle barbe en Lyōnois, Lieutenant général pour le Roy audit pays en l'absence de monseigneur le Mareschal de Saint André. A tous ceulx qui ces présentes uerront, Scauoir faisons que ueue la requeste a nous presentee par Jean Brotot, marchant Imprimeur demourant en ceste ville, a ce qu'il luy fust permis & octroyé de pouuoir imprimer & mettre en lumiere les Almanachz, Presages, & Pronostications faictz & composez par maistre Michel Nostradamus, docteur en Medicine, de Salon de Craux, en Prouence, pour l'annee 1560. Et inhibitions & defenses estre faictes a tous autres Imprimeurs, Libraires, & porteurs de liures, de n'imprimer faire imprimer, debiter, ne mettre en uente aucun semblable œuvre dudit Nostradamus, iusques a ce que des fraiz par ledit Brotot faictz a l'impression d'icelles il soit entierement remboursé. Nous pour ces causes, & autres considerations a ce nous mouuans, auons permis, & octroyé, permettons & octroyons audit Brotot de pouuoir imprimer les susdictz Almanachz, Presages, & Pronosticatiōs dudit Nostradamus, & auons faict & faisons par ces présentes inhibitions & defenses a tous autres imprimeurs, Libraires, uendeurs & debiteurs de liures d'imprimer, exposer ne mettre en uente aucun semblables œuvres dudit Nostradamus, sans permission du dit suppliant, sur peine de confiscation de ce qu'en pourroit auoir esté tiré, & d'amende arbitraire: & ce par le temps & espace d'un an. Et par ce auons signé ces présentes de nostre seing accoustumé. A Lyō, le 13. iour d'Octobre, 1560.

ANTOINE DALBON.

Par Comandement de mondit sieur
le Lieutenant general. C. Gay.

A L M A N A C H
POVR L'AN 1560.
AN BISSEXTIL.

Nombre d'or	III.
Epacte	II.
Cycle Solaire	I.
Lettres Dominicales	G, & F.
Indiction Romaine	III.
Interualle	VIII. Semaines VI. iours.
Septuagesime	XI. Fevrier.
Quadragesime	XXVIII. Fevrier.
Pasques	XIII. Auril.
Rogations	XIX. May.
Ascension	XXIII. May.
Pentecouſtes	II. Juin.
La feste Dieu	XIII. Juin.
L'aduent	le premier de Decembre.

Temps des Nopces.

Depuis le 14. de Janvier iusques au 10. de Fevrier.
Et depuis le 22. d'Auril iusques au 19 de May.
Et aussi depuis le 10. de Juing iusques au trentiesme
de Nouembre.

Imprimé à Paris par Jean de Gourville pour le Roi 1560
30 DEC 1560